

Od sljedeće sedmice primjena novog sistema

# Rok za registraciju firme sveden na samo pet dana

Do sada su procedure bile duge i opsežne, a nedostajala im je i kontrola, kaže Rajkroft

U prostorijama Kantonalnog suda u Sarajevu jučer je prezentiran novi sistem registracije preduzeća za pet dana, koji će biti primjenjivan od iduće sedmice.

Jedinstveni proces registracije iskorijenit će fiktivne firme, a kratki rok za osnivanje firme privući će strane investicije, naglasio je predsjednik Općinskog suda Goran Salihović.

- BiH je između 175 zemalja na 95. mjestu po lakoći poslovanja. Još je potrebno u prosjeku 44 dana u FBiH, odnosno 32 u RS za registraciju firme.

Do sada su procedure registracije firme bile duge i opsežne, a nedostajala im je i kontrola - istakao je britanski ambasador u BiH Metju Rajkroft (Matthew Rycroft).

Visoki predstavnik u BiH Kristijan Švarc-Šiling (Christian Schwarz-Shilling) kazao je da će



Sarajevo: Projekat promovirali Švarc-Šiling i Rajkroft

(Foto: N. Božović)

novi sistem omogućiti sve kao i stari, samo mnogo bolje i brže.

- Uvođenje ovog sistema pro-

mijenit će poslovnu klimu, a povećanjem broja preduzeća bit će povećan i broj zaposlenih - naglasio je Šiling.

Rješenje i registracija bit će jednoobrazni i vrijediti za cijelu BiH. Podaci o registriranim preduzećima svim zainteresiranim bit će dostupni u elektronskoj formi.

Ma. D.

## Britanci u projekt uložili 2,7 miliona KM

U projekt reforme registracije preduzeća Ured za međunarodni razvoj Vlade Veli-

ke Britanije u protekle četiri godine uložio je 2,7 miliona KM.